

Вараънинг фазилати | Тазкия дарслари (267-дарс)

ТАЗКИЯ
267-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 03.02.2024 2615

Қалбни кир қиладиган, ташвишга ва хижолатга соладиган нарсаларни тарк қилиш.

نَاغْمٍ سَبَّحْنَا بِسْمِ اللَّهِ نَع
لُؤْسٍ رُّتِلْ أَسْ: لَأَقِي رَاصُنْ أَلَا
هَيْلَعُ هَلْ لَأِيْلَصْ هَلْ لَأ
مُثِإِلْ أَوْ رَبُّ لَأ نَع مَلَسْ وَ
قُلْ خُ لَأ نُنْ سَحُ رَبُّ لَأ: لَأَقَف
كَرْدَصْ يَفْ كَأَحْ أَمْ مُثِإِلْ أَوْ

هَيْلَعِ عَطِيْنًا تَهْرَكَو مَلْسُمْلَا هَاوْر. «سَان ل ل ا ي ذِمْرَت ل ا و»

Наввос ибн Самъон Ансорий розияллоху анхудан ривоят қилинади:

«Расулуллоҳ соллаллоху алайҳи васалламдан яхшилик ва ёмонлик ҳақида сўрадим. Шунда у зот:

«Яхшилик ҳусни хулқдир. Ёмонлик кўксингда тўқилган ва одамлар уни билиб қолишини ёқтирмаган нарсангдир», дедилар».

Муслим ва Термизий ривоят қилишган.

Суфён Саврий айтади: **«Вараъдан осон нарсани кўрмадим. Кўксингда тўқилган нарсани тарк эт».**

Хосларнинг хосининг вараъ сифати:

Аллоҳ таолодан бошқага боғланишдан бош тортиш. Аллоҳдан бошқадан тамаъ қилиш эшигини ёпиш. Барча ҳимматни Аллоҳ таолога қаратиш.

Бу орифларнинг вараъ сифатидир. Улар Аллоҳ таолодан машғул қиладиган ҳар бир нарсани нолайиқ деб биладилар.

Вараънинг фазли

Ўтган гаплардан вараъ камолот сифатларини ўзида жамловчи мақом экани кўриниб турибди.

Ҳасан Басрий раҳматуллоҳи алайҳи Маккага бориб, Масжидул Ҳаромга кирибди. Қараса, Али ибн Абу Толиб розияллоху анхунинг авлодларидан бири Каъбага елкасини суяб олиб, одамларга ваъз қиляётган экан. Ҳасан унинг олдида тўхтаб:

«Диннинг асоси нима?» деди.

«Вараъ», деди.

«Диннинг офати нима?» деди.

«Тама», деди.

Ҳасан қойил қолди. Бас, у:

«Бир зарра мисқолича вараъ минг мисқол намоз ва рўзадан афзалдир», деди».

Ибн Атоуллоҳ Сакандарий айтади: «Банданинг фаҳмига унинг илмининг кўплиги ва вирдида бардавомлиги далолат қилмайди. Аммо унинг нурига ва фаҳмига Робби ила беҳожат бўлиши, қалби ила У Зотга берилиши, тамага қулликдан озодлиги ва вараъ зийнати ила зийнатлангани далолат қилади».

هُلِّلَا يَضَرَّ رِيْرُهُ يَا بَأْنَ ع
هُلِّلَا لُؤْسَرَلَا قَ: لَاقُ، هُنَّ ع
أَيَّ «: مَلَسَوِ هِيَلَعُ هَلِّلَا يَلَّص
نُكَّتْ أَعْرَوُ نُكْ، رِيْرُهُ أَبَأْ
هَجَامُ نُبَأْ هَأَوْرَ. «سَأْنَلَا دَبُعَأْ

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Эй Абу Ҳурайра, вараъли бўл, одамларнинг энг ибодатлиси бўласан», дедилар».

Ибн Можа ривоят қилган.

لُؤْسَرَلْ اَقِ : لْ اَقِ سَنَانَع
هَيْلَعُ هَلْ لْ اِ يْلَصْ هَلْ لْ اِ
هَيْفٌ نُّكُ نَمُ ثَالِثٌ « : مَلَسَو
بَاوْثَلْ اِ بَجْوَتْ سَا
قُلُخٌ : نَامِي اِلْ اَلْمُكَّتْ سَاو
عَرَوُو سَا اِنْلَا يِفْ هِبْ شِيْعِي
مُلْحُو هَلْ لْ اِ مِرَاخْمُ نَعُ هُزْجَحِي
هَاور . «لْ هَا جَلْ اَلْ هَجْ هِبْ دُرِي
رَا زَبَلْ اِ

Анас розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

**«Уч нарса кимда бўлса, савоби вожиб ва иймони комил бўлади:
одамлар ичида яшайдиган хулқи, уни Аллоҳ ҳаром қилган
нарсалардан тўсиб турадиган вараъ сифати, жоҳилнинг жаҳлини
қайтарадиган ҳилми», дедилар».**

Баззор ривоят қилган.

هُنَّ عُلَّالٌ يَضْرِبْنَ أَنْعَامَهُنَّ
عُلَّالٌ يَلْصِقْنَ بَنَاتِ الرَّمْلِ لِقَاءِ
رَمْتِ مَلَسَ وَهِيَ لَعْنَةُ
نَأْوِلُ «لِقَاءِ فِطْرَةِ سَمِ
«أَهْتَ لِكُلِّ عَقْدِ صَوْمِ نَوَكَّتْ
يُرَاحُ بِلِأْوَرِ»

Анас розияллоҳу анҳудан ривоят қилинади:

«Расулуллоҳ соллаллоҳу алайҳи васаллам йўлдан бир дона хурмо топиб олдилар ва: **«Агар садақа бўлишидан қўрқмаганимда, албатта буни ер эдим»**, дедилар».

Имом Бухорий ривоят қилган.

Абдуллоҳ ибн Умар розияллоҳу анҳумодан ривоят қилинади:

«Туялар сотиб олдим. Уларни қўриқхонага ҳайдаб бордим. Улар семирганидан кейин бозорга олиб келдим. Умар розияллоҳу анҳу бозорга кириб, семиз туяларни кўрди ва:

«Булар кимники?» деди.

«Абдуллоҳ ибн Умарники», дейилди.

«Эй Абдуллоҳ! Бай-бай! Мўминларнинг амирининг ўғли! Булар қандай туялар?!» деди.

«Озғин туялар эди. Сотиб олиб, қўриқхонага юбордим. Мусулмонлар қилган ишни қилдим», дедим.

**«Мўминларнинг амирининг ўғлининг туясини боқинглар!
Мўминларнинг амирининг ўғлининг туясини суғоринглар! Ҳой
Абдуллоҳ ибн Умар! Сармоянгни олгин-да, фойдани
мусулмонларнинг байтулмолига топшир!» деди».**

Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14
апрелдаги 03-07/2439-рақамли хулосаси асосида чоп этилган.